

增修
補註

正續歷代通鑑輯覽

增補註歷代通鑑輯覽卷之四

周

平王

〔辛未〕元年東遷

成王營洛邑平王徙都之謂之王城是為東周

始命秦為諸侯錫晉侯仇命

王避犬

戎難東徙洛邑

襄公

以兵送王王封

襄公

為諸侯

爵為伯

賜之岐以西之地秦

于是始國與諸侯通使聘享之禮又策命晉侯

書序平王錫晉侯桓公主贊作文侯之命

賜以河

內

舊河南懷慶府

附庸晉于是始大

秦祠上帝于西時

時音市封土而祀也

秦伯既封居西垂自以為主少昊之神乃作西

時祠白帝其牲用駢

赤馬黑鬣

駒黃牛羝羊

詩傳各一牡羊

各一

〔癸酉〕三年以鄭伯掘突為司徒

鄭桓公為司徒死犬戎之難王于是復

命其子掘突續乃父之職國人愛之為作緇衣之詩

詩序鄭風緇衣美武公也

〔己卯〕九年秦東徙汧渭

注俱見前

之會

元今陝西隴縣有秦城徙此

秦襄公卒子文公嗣

文公東獵至汧渭之會曰昔周邑我先秦嬴于此

考非子封秦地在今甘肅天水縣此云邑我先秦嬴蓋非子思

馬時食邑也

後卒獲為諸侯乃卜居之

于是秦初有史以紀事

已而作鄜

音孚

時用三牢祠白帝

史記封禪書秦文公夢黃蛇自天下屬地其口止於鄜衍公問史敦敦曰此上帝之徵君其祠之於是作鄜時索隱曰鄜地名後為縣屬馮翊衍山陵間也

〔癸未〕十有三年衛公和卒

諡曰武公史記衛武公卒我有功王命爲公卒子莊公揚立

衛公年九十五猶箴

傲于國曰自卿以下至于師長士苟在朝者無謂我耄而舍我必恪恭于

朝夕以交戒我于是作懿戒以自儆

懿讀作抑即大雅抑之詩

及其歿也謂之睿聖武公

〔己丑〕十有九年戊申

申國注見前

王以母家申國迫近彊楚數被侵伐遣兵遠

戍戍者怨思作揚之水詩以刺

詩序王風揚之水刺平王也平王不撫其民而遠也戊于母家周人怨思焉

〔辛卯〕二十有一年秦伯獻戎捷

秦伯以兵伐戎戎敗走于是秦伯收周

餘民有之地至岐岐以東獻之王時宗周宗廟宮室盡爲禾黍大夫行役

過之閱周室之顛覆徬徨不忍去作黍離之詩

詩序王風黍離閔宗周也

〔丙申〕二十有六年晉侯

文侯子昭侯名伯

封其叔父成師

穆侯子文侯弟是爲桓叔于曲沃

漢書地理志河東郡

聞喜故曲沃今聞喜縣屬山西河東道

晉大夫師服曰國家之立也本大而末小是以能固故天

子建國諸侯立家卿置側室

衆子也得此一官

大夫有貳宗

次子爲貳宗以輔適子

士有隸子弟

自以其子弟爲僕隸

今晉甸侯也而建國本既弱矣其能久乎後曲沃盛彊晉室微弱

國內大亂

昭侯七年晉潘父弑昭侯而納桓叔不克晉人立昭侯子平是爲孝侯孝侯八年桓叔卒子驪代是爲曲沃莊伯莊伯弑孝侯子翼國人攻之立孝侯子郯是爲鄂侯鄂

侯卒莊伯復伐晉王使虢公伐曲沃立鄂侯子光是爲哀侯

〔戊午〕四十有八年魯侯

惠公弗涅

請郊廟之禮魯侯使宰讓請郊廟之禮

于王王使史角往魯侯止也。留之。路史：角後在魯，于是有墨翟之學。

魯侯弗涅卒。

公諡惠

適子軌少庶長子息姑攝國行君事。

是為隱公。左傳：惠公元妃孟子卒，繼室以聲子。

生隱公。宋武公生仲子，有文在其手，曰為魯夫人，故仲子歸于魯，生桓公。南惠公薨，是以隱公立而奉之。宋武公名司空，微子弟，微仲八世孫。

〔己未〕四十有九年。

時天子微弱，諸後放恣，賞罰不行，後孔子修魯史作

春秋立百王之大法，託始于元年。

是年為魯隱公元年。

鄭伯克段于鄆。

今河南鄆陵縣，春秋鄆縣西北有古鄆城。

初，鄭武公娶申侯女姜氏，是為武姜，生太子

寤生及叔段。姜氏惡寤生，愛段，欲立之，亟請于武公，弗許。武公卒，寤生立。

是為莊公。

姜氏為段請居京。

京，邑故城，在今河南南樂陽縣東南。

謂之京城大叔。祭仲別鄭大夫與周祭伯

鄭縣有祭城，仲食邑也。

曰：都城過百雉，國之害也。公曰：姜氏欲之，焉辟害？

詩序：鄭風將仲子，刺莊公也，不

勝其母以致大亂焉。

大叔完聚，繕甲兵，具卒乘。

詩序：叔于田，叔處于京，繕甲治兵，多才而好勇，不義而得衆。

將襲鄭。

夫人

姜氏

將啓之，公聞其期，以車二百乘伐京。京叛大叔段，段入于鄆，公伐

諸鄆，大叔出奔共。

古共國，今河南輝縣治。

遂寘姜氏于城潁。

即臨潁故城，在今河南臨潁縣西北。

而誓之曰：

不及黃泉，無相見也。既而悔之，潁考叔為潁谷

在今河南登封縣潁水所出。

封人聞之，有

獻于公。公賜之食，食舍肉。公問之，對曰：小人有母，請以遺之。公曰：爾有母

遺，繫我獨無。語之，且故告之。悔，對曰：闕地及泉，隧而相見，其誰曰不然。

公從之遂為母子如初

今河南襄城縣有鄭莊公城相傳為莊公見母處

使宰咺歸魯侯仲子之貺

撫反公羊傳宰者何官也咺者何名且仲子者河桓之母也何以不稱夫人桓未君也贈者何喪事有贈車馬曰贈貨財曰貺衣

被曰

此王室下交諸侯之始

祭伯

鄭樵氏族略周公第七子封祭杜預左傳注陳留長垣縣有祭城今直隸長垣縣有祭城村

如魯

非王命也此王臣私交之

始

〔辛酉〕五十有一年春三月王崩孫林立

是為桓王

鄭祭足帥師入寇

鄭伯為平王卿士

武公莊公世為王室卿士

平王貳于虢

此南虢也平王東遷虢仲之後

徙于上陽是為南虢上陽城在今河南陝縣考路史虢有四一曰西虢仲所封二曰東虢叔所封後為鄭滅一曰南虢仲之後所徙其留岐者為小虢後為秦滅不在四虢之數一曰北虢亦仲之後

後別為男爵班固曰北虢在大陽是也大陽漢縣故城在今山西平陸縣

鄭伯怨平王于是鄭周交質及是平王崩王

即位將畀虢公政四月鄭祭足帥師取溫

今河南溫縣有古溫城周畿內溫邑之麥秋又取成

周

注見前

之禾

武氏子求賻于魯

武氏周世卿吳氏激曰子者父老而以子攝行卿之事

齊侯

魯公祿父顯公五世孫

鄭伯盟于石門

在今山東長清縣西南水經注水瀆流移久已論圯

此諸侯特相盟之始

桓王

〔壬戌〕元年衛州吁弑其君完

莊公子

衛州吁立管

是為宣公

初衛莊公娶

齊女爲夫人莊姜無子左傳莊姜美而無子又娶陳女厲嬀生子蚤死陳女之

娣戴嬀生子完莊公立爲世子公有嬖人生子曰州吁有寵而好兵公弗

禁石碣衛大夫姬姓諫公又弗聽碣子厚與州吁游碣禁之不可莊公薨世

子完立桓公石碣乃請老至是州吁弑桓公而自立未能和其民史記州吁新立好兵

衛人不愛厚問于石碣碣曰王覲爲可陳侯桓公鮑胡公滿十世孫方有寵於王若朝陳使

請必可得也厚從州吁如陳石碣使告于陳曰此二人者實弑寡君敢卽

圖之陳人執之而請蒞于衛請衛人自臨討之衛人使右宰醜蒞殺州吁于濮史記隱

濮在曹衛之間賈逵言陳地非也石碣使其宰獯羊肩蒞殺石厚于陳迎桓公弟晉于邢周公後

今直隸邢臺縣是而立之

〔甲子〕三年京師饑告饑于魯魯爲請糴于宋衛齊鄭

鄭伯入朝鄭伯朝王王不禮焉怒其取麥禾故弗禮周公桓公黑肩言于王曰我周之東遷

晉鄭焉依善鄭以勸來者猶懼不饒其器反至也況不禮焉鄭不來矣

〔乙丑〕四年使凡伯周公後爲周卿士封凡故城在今河南輝縣聘于魯戎氏羌別種居中國者杜預左傳注陳留濟陽縣有戎城今山東荷澤

縣故戎城是伐之楚邱衛地今山東曹縣有楚邱亭以歸初戎朝于周發幣于公卿發陳財幣于公卿凡伯

弗賓至是凡伯聘魯還戎伐之于楚邱以歸

〔丙寅〕五年鄭以祊

注見前

易魯許田

近許之田，今河南許縣有魯城，本許田，後置邑。

鄭伯請釋泰山之

祀

天子有事于泰山，諸侯皆從，泰山之下，諸侯各有湯沐邑，鄭之邑在祊。

而祀周公

成王營東都，賜周公許田，為魯朝宿之地，後世因立公別廟焉，鄭欲易許田，恐魯公

以別廟為疑，故請已廢泰山之祀，而為魯祀周公。

以泰山之祊易許田

祊近于魯，許近于鄭，鄭以天子不

遂歸

祊于魯後魯侯軌

桓公

即位鄭復以璧假許田乃卒易之

左傳：桓公元年，修好于鄭，卒易祊田。

以虢公忌父為卿士

宋公齊侯衛侯盟于瓦屋

周地，今河南滑川縣，有瓦屋里。

此參盟之始

穀梁傳：諸侯之參盟，于是始，胡氏傳：春秋謹參盟。

〔戊辰〕七年鄭伯以王命會齊侯魯侯伐宋

宋公不王

不共王職

鄭伯為王左

卿士以王命告于齊魯遂伐宋魯敗宋師于營

古頑反

鄭取郕

宋邑，在今山東城武縣是

為南

及防

今山東金鄉縣，西防城是。

歸于魯是秋宋人衛人入鄭

鄭不設備，二

復以齊人入郕

戴

今河南考城縣，有故戴城，周戴國。

鄭伯圍戴克之取三師

鄭戴合攻，取三國之衆。

復以齊人入郕

公羊作盛。

文王子叔武封，注見前。

以郕不會王命也

宋之命伐

明年鄭以齊魯入許

許莊公奔衛，封注見前。

使許大夫百里奉許叔

莊公弟，後復入於許。

居許東偏公孫獲

鄭大夫，居許西偏，今河南長葛縣有東

西二城，即許叔與公係獲分處地。

〔己巳〕八年魯公子翬弑其君息姑而立軌

是為桓公。

翬

字羽父。

請殺公子軌將

以求太宰公曰為其少故也吾將授之矣使營菟裘

邑名，今山東泗水縣有菟裘城。

吾將老

焉羽父懼反譖公于軌而請弑之公祭鍾巫公爲公子時爲鄆所獲歸于尹氏館之主鍾巫遂與尹氏歸而立其主

于爲氏魯大夫羽父使賊弑公立軌而討爲氏

〔辛未〕十年宋督戴華父督宋公孫弑其君與夷穆公及其大夫孔父孔子六世祖初宋宣公

名力武公子卒舍其子與夷而立弟和穆公後穆公疾召大司馬孔父而屬與夷

焉使奉之孔父曰羣臣願奉焉也馮穆公公曰不可使焉出居于鄭遂卒與

夷立孔父爲司馬督爲太宰十年十一戰民不堪命督宣言曰司馬則然

遂殺孔父並弑殤公召公子馮于鄭而立之是爲莊公公羊傳督將弑殤公以孔父

父之家殤公救之皆死焉

魯侯會齊侯陳侯鄭伯于稷宋地以成宋亂成平也有亂故

前注見大鼎賂魯侯齊陳鄭皆有賂于是立華氏督遂相宋公魯取郕大鼎

納于太廟臧孫達魯孝公子疆字子臧是爲僖伯諫不聽其後以臧爲氏子達是爲哀伯

蔡侯鄭伯會于鄧今河南鄧城始懼楚也

〔壬申〕十有一年晉曲沃敗晉師于汾隰汾水之邊左傳統汾水出太原故汾陽今山西靜南至河東汾陰縣入河故汾陽今山西靜

樂縣汾陰今山西榮河縣獲晉侯哀侯晉欒成靖侯孫欒賓子賓食采于欒以邑爲氏故城在今直隸趙縣西北死之晉侯侵陘

庭今山西翼城縣東南有之田陘庭南鄙啓曲沃伐翼晉所都城曲沃伯稱公武

子伯 逐晉侯于汾隰夜獲之及欒成證共叔稱止之曰苟無死吾以子見天子

令子爲上卿制晉國之政辭曰民生於三事之如一父生之師教之君食

之惟其所在則致死焉遂鬪而死時晉人立哀侯子小子爲君是爲小子侯小子侯元年曲沃武公使韓萬執哀侯四年武公誘小子侯而

殺之號公林父以王命立哀侯之弟緡于晉是爲侯緡韓萬曲沃桓叔子食采韓原因以爲氏

〔甲戌〕十有三年蔡人衛人陳人從王伐鄭王奪鄭伯政鄭伯不朝王以

蔡人衛人陳人伐鄭鄭伯禦之爲魚麗之陳先偏後伍伍承彌縫司馬法車戰二十五

乘爲偏以車居前以伍次之承偏之隙而彌縫闕漏也五人爲伍此蓋魚麗陳法戰于繻葛鄭地或云長葛也今長葛縣屬河南開封道蔡衛陳皆奔

王卒亂鄭師攻之王卒大敗祝聃射王中肩王亦能軍殿而不奔祝聃請從之

鄭伯曰君子不欲多上人況敢陵天子乎夜鄭伯使祭足勞王且問左右

〔乙亥〕十有四年北戎戎即山戎伐齊鄭世子忽帥師救之遂敗戎師先是北

戎侵鄭鄭人敗之鄭爲三覆以待戎戎之前遇覆者奔祝聃逐之衷戎師前後擊之戎師大敗及是戎復伐齊齊侯使

乞師于鄭鄭世子忽帥師救齊大敗戎師獲其二帥大良少良甲首被甲者首

三百以獻于齊初魯侯未昏于齊齊侯欲以其女即文姜魯桓公夫人妻忽忽辭人問

其故忽曰人各有耦齊大非吾耦也及敗戎師齊侯又請妻之固辭人問

其故忽曰無事于齊吾猶不敢今以君命奔齊之急而受室以歸是以師

昏也人其謂我何祭仲曰君多內寵子無大援將不立三公子子突子儀子臧皆君也弗從

〔丙子〕十有五年遷盟左傳注盟津也盟津即孟津注見前向今河南濟源縣向城是之民于郟即郟鄩陌注亦見前盟

向求成于鄭王之八年以蘇忿生之田十二邑易鄭田盟向其二邑也不肯即鄭至是而始求成焉既而背之背鄭鄭人齊人

衛人伐盟向王遷其民于郟

〔丁丑〕十有六年楚僭稱王楚自熊渠八傳為若敖若敖再傳為蚡冒蚡冒之弟熊通秋蚡冒子而自立始僭號稱王楚子熊通

伐隨姬姓侯爵今湖北隨縣春秋隨國俾請王室尊其號隨為固請王不許熊通怒曰吾先鬻

熊文王之師也成王舉我先公令居楚蠻夷率服而王不加位我自尊耳

乃自立為王楚武為與隨人盟而去後周召隨侯莊王七年數以立楚為王楚以

隨背己伐隨熊通卒于師子熊貲立是為楚文左傳楚武王伐隨卒于櫛木之下令尹關祁莫敖屈重除道梁塗營軍臨隨隨人懼行成

莫敖以王命入盟隨侯而還櫛木山名在今湖北鍾祥縣東令尹莫敖楚官名關氏屈氏皆楚公族以邑為氏澧水名出今湖北隨縣西北下流入沮水

〔庚辰〕十有九年鄭伯寤生卒鄭莊公卒嫡庶爭立逾二十年今依俞氏臬敘說彙輯而以左傳作注鄭莊公娶鄧

曼鄧國曼姓今湖北襄陽縣有鄧縣故城春秋鄧國地生世子忽是為昭公又納宋雍氏女曰雍姑生子突是為

公厲又生子亹子儀莊公卒忽立甫四月突自宋入于鄭忽出奔雍氏宗有寵于宋誘祭仲

而執之使之立突祭仲乃以厲公歸而立之昭公奔齊後祭仲逐突祭仲專厲公使其將雍糾殺之雍姬告仲仲殺糾厲公奔歸而立之昭公奔齊祭仲逐突祭仲專厲公使其將雍糾殺之雍姬告仲仲殺糾厲公奔歸而立之昭公奔齊

陽翟注見前忽復立高渠彌弑之立子亹初莊公將以高渠彌為卿昭公固諫及昭公立渠彌懼其殺已遂弑之與祭仲共立子亹事在莊王二年

齊人殺子亹齊侯師于首止子亹會之高渠彌從祭仲稱疾不往齊人殺子亹而轅高祭仲渠彌事在莊王三年

立子儀子儀立十四年祭仲已死突使傅瑕殺之而復入厲公自櫟侵鄭獲傅瑕傅瑕請納公遂與之盟傅瑕

殺子儀及其二子而納厲公厲公入遂殺傅瑕事在僖王二年

〔甲申〕二十有三年使家父如魯求車公羊傳王者無求求車非禮也

王崩子佗立是為莊王

莊王

〔乙酉〕元年衛侯朔出奔齊初衛宣公烝于夷姜宣公庶母生急子急詩序史記俱作倂屬

諸右公子為之娶于齊而美公取之是為宣姜詩序邯鄲風新臺衛宣公納倂之妻作新臺于河上而要之國人惡之而作是詩生

壽及朔屬壽于左公子左傳注左右蓋宣公之兄弟也夷姜縊夫人即宣姜與朔構

急子公使諸齊使盜待諸莘今山東莘縣有莘亭故城春秋衛地壽告急子使行不可壽飲以

酒載其旌以先史記宣公與倂白旌告盜曰見持白旌者殺之盜殺之急子至曰我之求也請殺我盜

又殺之詩序邯鄲風二子乘舟思倂壽也宣公之二子交相為死國人傷而思之作是詩也左右公子故怨朔宣公卒朔立是為

惠四年左公子洩右公子職攻衛侯立公子黔牟衛羣公子衛侯奔齊

〔丁亥〕三年魯侯與夫人姜氏如齊齊人殺魯侯魯侯及姜氏如齊齊侯

襄公諸兒，通焉。史記：襄公故嘗私通魯夫人及與桓公來，襄公後通焉。詩序：齊風南山，刺襄公也。鳥獸之行，淫乎其妹，又敵簡，刺文姜也。齊人惡魯桓公微弱，不能防閑文姜。

使至淫亂，為二國患焉。公謫之以告齊侯，享公使公彭子生乘公，公薨于車。史記：齊襄公

公子彭生抱公，因摺其脇，公死于車。魯人告于齊曰：寡君來修舊好，禮成而不反，無所歸咎，惡

于諸侯。請以彭生除之。齊人殺彭生。魯立桓公子同。是為姜氏會齊侯于

禚，于防。齊地，見前。于穀。齊地，今山東阿縣，穀城故縣是。又享之于祝邱。魯地，今山東蘭山縣，即邱城是。詩序：齊風載驅，

齊人刺襄公無禮義，盛其車服，夾驪于通道大都，與文姜淫，播其惡于萬民焉。又猗嗟，刺魯莊公也，不能以禮防閑其母，失子之道，人以為齊侯之子焉。

周公黑肩謀弑王，伏誅。周公欲弑王而立王子克。莊公弟辛伯周大夫告王

遂與王殺周公。王子克奔燕。南燕，姑姓，今河南延津縣，南燕故城是。初，子儀有寵于桓王，桓王屬

諸周公。辛伯諫曰：並后妾如匹嫡庶如，兩政臣擅，耦國國如，亂之本也。周

公弗從，故及。

〔戊子〕四年，使榮叔周大夫，榮氏，叔字。錫魯桓公命。追命，以褒之。

王姬歸于齊。王使單伯文獻通考：單，姬姓，伯爵。在畿內，世為王卿士。送王姬。送，公羊穀梁作逆，以單伯為魯大夫，與左傳異。魯築

王姬之館于外。天子嫁女于諸侯，使諸侯同姓者主之，魯侯奉命主王姬之婚，方在諒闇，故築舍于外。王姬歸于齊，尋卒。

〔辛卯〕七年，紀侯大去其國。左傳注：大去者，不反之辭。齊人遷紀鄆。漢書：鄆，鉅野縣，故城是。今山東臨邑縣。

東昌邑縣。紀季以鄆。戶圭反，今山東臨淄縣，鄆亭是。入于齊。左傳疏釋例：齊侯鄭營亭社是。

紀人大懼，謀難于魯，請王命以求成于齊。魯告不能，齊遂偏之，遷其三邑。紀有旦夕之危，故分季以鄒，請事于齊。

紀侯不能下齊，以與紀季于

是大去其國。

釋例：紀侯自以列國，不忍屈臣于齊，以國與季，貶身外寓社稷有奉，故不言滅，不見迫逐，故不言奔。

違齊難也。

違，去也。

〔壬辰〕八年冬，齊人宋人魯人陳人蔡人伐衛。

衛侯朔居齊八年，至是齊

侯會諸侯以納之。

〔癸巳〕九年春，王使子突救衛。

王人子突救衛，弗克，朔遂入於衛，殺左右

公子

洩，職。

而復立黔牟奔于周。

〔乙未〕十有一年，齊無知弑其君諸兒。

齊侯使連稱管至父

二人皆齊大夫。

戍葵

邱。

此齊葵邱，在東臨淄縣西。

瓜期而往，曰：「及瓜而代。」期成，公問不至，請代。又弗許。二人

怒，因公孫無知以作亂。

僖公母弟夷仲年，生無知，有寵于僖公，衣服禮秩如適，襄公細之，故二人因之作亂。遂弑襄公。

見大豕，從者曰：「公子彭生也。」公怒，射之。豕人立而啼，公懼，墜于車，傷足喪腰，詐懼于徒人費，鞭之見血，費走出，遇賊于門，賊刳之，費袒而示之背，請先入，伏公而出，鬪死于門中，賊遂入，見公之足。

于戶下，遂弑之。姑焚，即薄姑，注見前。而立無知。

〔丙申〕十有二年，齊人殺無知，公子小白立。

桓公。

無知嘗虐于雍廩。

史記，雍廩，

林賈遠曰：渠邱大夫也。今臨淄縣有渠邱亭。

既立，雍廩殺無知。初，襄公立，無常

政令無常。

鮑叔牙

齊大夫，以邑爲氏。

曰：「君使民慢，亂將作矣。」奉公子小白

僖公。

奔莒。

嬴姓國，子爵，注見前。

亂作，管夷吾

族略夷吾，出周穆王。

召忽奉公子糾

小白。

奔魯。魯聞無知死，伐齊，納子糾。小白已自

莒先入

史記齊大夫高傒先陰召小白于莒魯納子糾使管仲追高傒之射中小白帶鉤小白伴死管仲使人馳報魯魯遂糾者行益遲至齊則小白已入高傒立之高傒齊文公子

高之孫以名爲氏

發兵拒魯戰于乾時故曰乾時齊地左傳注時水在今山東博興縣南魯師敗走鮑

叔牙帥師言于魯曰子糾親也請君討之管召讐也請受而甘心焉乃殺

子糾于生竇

史記作笙讀賈逵曰句讀也地在今山東荷澤縣北召忽死之管仲請囚國語齊桓公使請管仲于魯魯莊公以問

施伯施伯曰管子天下之才也所在之國必得志于天下請殺而以屍授之莊公將殺仲齊使者請生致之莊公遂東縛以與齊

鮑叔受之及堂阜齊地在今

山東蒙陰縣西北

而稅之

左傳注蒙陰有夷吾亭鮑叔解夷吾縛于此

齊以管夷吾爲相

鮑叔以管仲至齊三黜

以香蕪之曰黜

三浴之齊侯親逆于郊

與之坐而問焉對慨稱善乃以爲相號曰仲父仲爲政四民不使雜處國語

管子對桓公曰四民者雜處則其言曉其易聖王之處士使就閒燕處工就官府處商就市井處農就田野少而習焉其心安焉不見異物而遷焉是故其父兄之教不肅而成子弟之學不勞

而能制國爲二十一鄉

國語管子制工商之鄉六士鄉十五公帥十一鄉國語管子作士農之鄉作內政國政也

以寄軍令

軍令寄託于國政若有征伐鄰國不知也國語管子制五家爲軌軌爲之長十軌爲里里置有司四里爲連連爲之長十連爲鄉鄉有良人焉以爲軍令五家爲軌

故五人爲伍軌長帥之十軌爲里故五十人爲小戎里有司帥之四里爲連故二百人爲卒連長帥之十連爲鄉故二千人爲旅鄉良人帥之五鄉一帥故萬人爲一軍五鄉之帥帥之伍之人世

同居少同遊故夜戰聲相聞足以不乖晝戰目相視足以相識其官山海以準輕重管子書權欣足以相死居同樂行同和死同哀是故守則同固戰則同疆官山海以準輕重管子書桓公曰

何以富國對曰惟官山海可耳謹鹽立三選以擇賢國語鄉長進賢公親見之遂使役官官筭與鐵官之數其餘輕重準此而行

之公營相其實觀其所能升以爲上卿之贊是爲三選

分五屬以布憲管子書五屬立五大夫各治一屬五月之重

農以權穀幣

管子書：粟重而萬物輕，粟輕而萬物重，兩者不衡立，故殺去商賈之利，而益農夫之事，則田野闢而農勸其事。又曰：穀爲君，幣爲下，故五穀粟米者，民之司命。

黃金刀布者，民之通貨。

贖罪以備器械

管子書：因罰備器械，制重罪，贖以犀甲一戟，輕罪贖以鐵鉏，夷斤，櫟，厚盾一戟，小罪謫以金，美金以鑄劍戟，惡金以鑄鉏夷斤，櫟。

厚

聘幣反侵地

國語：桓公曰：吾欲從事于諸侯，言仲曰：審吾封疆而反其侵地，重爲之皮幣，以驟聘，類于諸侯，則四鄰之國親矣。

以親諸侯齊侯

悉從之故仲得盡其才而伯功立

丁酉十有三年魯敗齊師于長勺

魯地，春秋彙纂：路氏曰：成王以商民六族錫魯公，有長勺氏，此商民所居也。

齊伐魯

魯侯將戰曹劌

魯人

請從公與之乘戰于長勺公將鼓之劌曰未可齊人三

鼓劌曰可矣齊師敗績公將馳之劌曰未可下視其轍登軾而望之曰可

矣遂逐齊師既克公問其故對曰夫戰勇氣也一鼓作氣再而衰三而竭

彼竭我盈故克之夫大國難測也懼有伏焉吾視其轍亂望其旗靡故逐

之

之

楚敗蔡師于莘

蔡地，在今河南汝南縣。

以蔡侯獻舞

哀侯，蔡仲十世孫。

歸

蔡侯娶于陳息侯

今河南息縣。

縣有古息里，即息侯國。

亦娶焉息嬀將歸過蔡蔡侯止而見之弗賓息侯聞之怒使告

楚曰伐我我求救于蔡而伐之楚子從之敗蔡師于莘執蔡侯以歸

史記，楚世。

家，文王伐蔡，勝哀侯，已而釋之。

蔡侯繩

也。

息嬀以語楚子楚子如息以食入享遂滅息而納

息嬀息嬀不言楚子問之對曰吾一婦人而事二夫縱不能死又奚言楚

子以蔡侯滅息遂復伐蔡入之邵子經世書自是注漢之國皆服于楚

齊師滅譚今山東歷城縣有譚城古譚國齊侯之出也過譚譚不禮焉及其入也諸侯皆賀

譚又不至齊師滅譚譚子奔莒

己亥十有五年王崩子胡齊立是為僖王

宋萬弑其君捷莊公馮之子閔公及其大夫仇牧初宋伐魯戰于乘邱魯地故城在今山東滋陽縣西

北魯侯以金僕姑名矢射南宮長萬宋大夫公右獸孫生搏之搏取也宋人請萬

萬歸宋公靳之戲而相愧曰靳曰始吾敬子今子魯囚也萬病之遂弑閔公于蒙

澤今河南商邱縣蒙縣故城是遇仇牧于門批而殺之公羊傳萬與閔公博婦人皆在側萬曰甚矣魯侯之美也天下諸侯宜為君者魯耳閔公

奔此婦人妬其言隨曰此處也爾處焉故魯侯之美惡乎至萬怒搏閔公絕其脰仇牧聞君弑趨而至遇之于門手劍而叱之萬臂機仇牧碎其首齒著乎門闔遇大宰督

于東宮之西又殺之立子游宋公子羣公子奔蕭宋邑今江蘇蕭縣故蕭城是公子御說莊公

子奔毫即毫城注見前南宮牛萬之子猛獲萬之黨帥師圍毫蕭叔大心蕭大夫及戴武

宣穆莊之族以曹師伐之武王弟振鐸封曹注見前殺南宮牛于師殺子游于宋立御說

桓公猛獲奔衛萬奔陳宋人請猛獲于衛亦請萬于陳以賂歸皆醢之陳使

婦人飲萬酒而以犀革裹之比及宋手足皆見

僖王

增修歷代通鑑輯覽

卷四 周僖王

八

〔庚子〕元年齊侯宋人蔡人邾人注見前會于北杏齊地在今山東阿縣北宋有弑君

之亂齊侯欲修伯業會于北杏以平之齊桓公衣裳之會一

齊人滅遂舜之後今山東寧陽縣北有遂鄉春秋遂國北杏之會遂人不至齊滅遂而戍之後遂人

飲戍者酒醉而殺之齊人殲焉

魯侯會齊侯盟于柯左傳注此柯濟北東阿齊之阿邑猶祝柯今為祝阿今山東陽穀縣東北有阿城鎮即春秋齊阿邑魯侯將盟曹沫

左傳疏曹沫史記作曹沫以匕首刳齊侯于壇上曰反魯之侵地公許之曹沫去匕首北

面就臣位公後悔欲無與魯地而殺曹沫管仲曰棄信于諸侯不可于是

歸地于魯諸侯聞之皆信齊而欲附焉公羊傳齊桓之信著乎天下自柯之盟始

〔辛丑〕三年命單伯會諸侯齊陳伐宋宋人背北杏之會諸侯伐宋齊侯

請師于王王命單伯會之取戍于宋而還

單伯會齊侯宋公衛侯鄭伯于鄆宋服故也齊桓公衣裳之會二

〔壬寅〕三年齊侯宋公陳侯衛侯鄭伯會于鄆齊始霸故諸侯復會焉齊桓

公衣裳之會三

〔癸卯〕四年命曲沃伯稱為晉侯曲沃伯伐晉侯緡滅之盡以其寶器賂

王王使緡公命曲沃伯以一軍為晉侯自桓叔始封曲沃至是凡六十七年